

AGISEE
Asocijacija za geoprostorne informacije u Jugoistočnoj Evropi
<http://www.agisee.org>

Udruženje poziva na učlanjivanje novih članova

Informacija za javnost

AGISEE, asocijacija za geoprostorne informacije u Jugoistočnoj Evropi, osnovana je 01.10. 2004. god. u Sofiji – Bugarska, kao **ne-profitna organizacija**.

Potreba za AGISEE proizašla je iz rezultata projekta GISEE (GIS Tehnology and Market in South East Europe), koja je proučavala i dokumentirala status infrastrukture prostornih podataka u svim zemljama Jugoistočne Evrope. GISEE je osnovana od strane Evropske Komisije i završila je sa radom u oktobru 2003. godine, konferencijom **Infrastruktura prostornih podataka Jugositočne Evrope**, u Sofiji-Bugarska, kada je i postignut dogovor o osnivanju ove asocijacije.

Infrastruktura prostornih podataka (SDI) ima za cilj dostupnost geoprostornih podataka i njihovog sadržaja za dobrobit ekonomije i društva. SDI obuhvaća politiku, organizacijske smjernice i upute, podatke, tehnologije, standarde, mehanizme dostavljanja, kao i finansijske, i ljudske resurse, potrebnih za osiguranje nesmetanog djelovanja u globalnom i regionalnom okviru. **Geoprostorna informacija** je informacija o obliku i položaju objekta na Zemljinoj površini. Primjeri takvih informacija su topografske karte, satelitski snimci, katastarski planovi i zemljišne knjige, planovi gradova i dr.

GISEE projekt je pokazao kako u Jugoistočnoj Evropi postoje puno geoprostornih podataka. Međutim, pristup tim podacima je otezan, a njihovo vlasništvo i uvjeti pristupa nisu jasni. Pristup podacima treba biti jednostavniji pomoću meta podataka, koji opisuju realne podatke, ali samo neki meta-podaci postoje. Organizacije često ne surađuju, a nekoliko aktivnosti su koordinirane na štetu sektora. Uzimajući to u obzir, sektor geoprostornih informacija (GI) nije dobro razvijen niti organiziran u regiji. To potvrđuje potrebu za boljom koordinacijom i suradnjom u sektoru, što je u stvari i glavni cilj Asocijacije.

Promotori AGISEE su prof. Raina Pavlova (Tehnički Univerzitet, Sofija), koordinator GISEE projekta GISEE i Mr. Ulrich Boes (URSIT Ltd., Sofija). i učesnik u GISEE projektu. Ulrich Boes je izabran za predsjednika Asocijacije. Za članove Upravnog odbora Asocijacije izabrana je Raina Pavlova, prof. Georgi Valev (Fakultet za arhitekturu, građevinarstvo i geodeziju, Sofija), prof. Miljenko Lapaine (Geodetski fakultet, Zagreb; predsjednik Hrvatskog kartografskog društva), prof. Rahmi Çelikom (Tehnički Univerzitet, Istanbul, Florian Petrescu (Tehnički Univerzitet, Rumunjska) i Evgenia Karadjova (ESRI, Bugarska).

AGISEE je jedina asocijacija za geoprostorne informacije u cijeloj regiji Jugoistočne Evrope: Albanija, Bosna i Hercegovina, Bugarska, Hrvatska, Grčka, Makedonija, Rumunjska, Srbija i Crna Gora (sa Kosovom) i Turska. **Vizija AGISEE** je uspostavljanje infrastrukture prostornih podataka u regiji i omogućavanje razmjene i korištenja podataka za poboljšanje ekonomskog razvoja svih zemalja učesnica. Asocijacija će imati dvostruku ulogu: prvu u

informiranju članova o odgovarajućim odlukama vezanim za tehnološki razvoj, standarde, poboljšanja praktičnog rada korištenjem GI, globalnih aktera, Evropskih inicijativa, zakonsko okruženje u zemljama članicama i u inozemstvu, mogućnosti financiranja; a drugu u promoviranju uloge GI za vanjski svijet i lobiranje za bolje korištenje prostornih podataka.

Za ostvarivanje svojih ciljeva u dužem periodu AGISEE je definirao četiri glavna cilja:

1. ujedinjenje GI zajednice i zainteresiranih u Jugoistočnoj Evropi,
2. promocija korištenja GI i doprinos izgradnji SDI u regiji,
3. predstavljanje GI sektora u Jugoistočnoj Evropi i šire,
4. podrška i snabdijevanje relevantnim informacijama svojih članova; i uloga organizatora za nove mogućnosti i prilike svojih članova.

AGISEE će biti točka kontakta za svoje članstvo i GI zajednicu. Radionice i konferencije će činiti okosnicu za susrete i diskusije. Prva **AGISEE konferencija** je planirana je u jesen 2005. god., a imat će svrhu razmjene ideje i davanja preporuka za buduće aktivnosti za izgradnju infrastrukture prostornih podataka u Jugoistočnoj Evropi. Od 2006.g. Asocijacija će organizirati vođenje tečajeva, radionica i seminara u svrhu edukacije.

Otvoren je poziv za učlanjenje, pa zainteresirane osobe i organizacije mogu registrirati svoje članstvo na web stranici <http://www.agisee.org>. AGISEE neće naplaćivati članarinu do kraja 2004.g, a od početka 2005. god. članovi će plaćati članarinu, ovisno od kategorije kojoj pripadaju. Plaćanje će omogućiti članovima raznovrsne beneficije. Te beneficije su, između ostalog:

- primanje informacija o tehnološkom razvoju, standardima, poboljšanju u praksi korištenjem GI, Evropske inicijative, zakonsko okruženje u Jugoistočnoj Evropi i van nje;
- postojanje permanentne točke kontakta i reprezentacija prema ostalim tijelima (kao što je vlada);
- razumijevanje korištenja standarda i nove tehnologije;
- učestvovanje na kursovima u edukacijske svrhe, radionicama i konferencijama;
- specifične konsultacije u slučaju korištenja standarda ili odgovarajućih zakona;
- informiranost o poslovnim mogućnostima i mogućnostima Evropskih i globalnih fondacijskih programa;
- omogućavanje kontakta sa svim ostalim članovima.

AGISEE je podržan od mnogih organizacija i osoba sa područja Jugoistočne Evrope, a postoji i izražena je spremnosti i volja tih država da krenu bliže ka Evropskoj Uniji. Za više informacija posjetite web stranicu <http://www.agisee.org>.